

積學齋叢書

第
冊

積學齋叢書

卷之二

精
神
固
本
為

徐
氏
新
編
圖

新陵徐乃昌積
餘甫校刊印

積學齋叢書序

古今經籍之傳由竹簡而縑素而楮墨而槧刻日趨便
易至叢書之刻在藝苑已爲末事然萌於宋繩於明極
盛於我朝乾嘉之間大師耆儒咸孜孜焉弗倦校益
勤刻益精藉以網羅散逸掇拾叢殘續先哲之精神啟
後學之涂軌其事甚艱而其功亦甚鉅顧有性嗜舊刻
毫釐求肖者如黃主事之士禮居是也有志在傳古校
讐最精者如盧學士之抱經堂是也有書求罕見今古
俱備者如鮑處士之知不足齋是也有專輯近箸摻亡
抱缺者如趙大令之鶴齋叢書是也雖云有槧刻而書
易傳然傳書之功亦惟叢書爲最大矣吾友徐君積餘

沈涵經籍劬學不勸家甯國習聞鄉先輩趙琴士之遺
風嗜古之念日專傳古之心日切近出所刻叢書見眎
蓋專求近儒輯述取未刻之書爲之傳播經學史學地
學算學無所不備書又多可傳無偏嗜無雜糅叢書之
善至此極乎聞君多藏善本二集之刻又翹首而俟之
矣江陰繆荃孫

序

咸豐丙辰大理寺卿臨川李先生視學江蘇丁巳按部揚州壽會以經解詩賦受知補儀徵附學生戊午試高等補增廣生時江淮兵事方亟壽會流離轉徙幾廢學矣自隸名學宮稍知振厲侍先君子僑寓東臺者七年饑困之中講誦不廢甲子冬先君子自安慶東下客金陵書局壽會副鄉貢先生時居通州壽會上書言志深荷獎許乙丑先生主講鍾山書院與先君子譚藝過從至密先君子寓書壽會曰李先生念汝甚汝其早渡江從先生授經勝跼處海濱耳目狹隘也是年秋壽會來金陵謁先生於書院齒弟子之列先生不以壽會爲顯

愚燕閒侍坐論學道古兼及立身涉世之方娓娓無倦
容月試所業先生偶有講授輒書於幅之傳別旁行斜
上淋漓滿紙壽曾感先生訓勗之厚謹仿鄭志之例條
錄所聞以類相次爲臨川答問一卷嗣有啟牖彙爲續
錄先生別有詩小序康誥酒誥梓材衡山桐泖諸義皆
寫示壽曾當隸文集不復屢列編寫旣竣述其緣起如
此時距先君子違養已七年雖仰承彝訓出通人名德
之門差足自壯而鑽仰高深十駕莫及無以副先生望
又重自懼爾同治十二年冬十二月儀徵劉壽曾識

積學齋叢書總目

南陵徐乃昌校

周易考占一卷

金榜

尙書伸孔篇一卷

焦廷琥

韓詩內傳徵四卷敘錄二卷

宋綿初

周禮故書考一卷

程際盛

周官禮經註正誤一卷

張宗泰

冕服考四卷

焦廷琥

孟子七篇諸國年表二卷

張宗泰

爾雅註疏本正誤五卷

張宗泰

說文徐氏新補新附考證一卷

錢大昭

方言箋疏十三卷

錢繹

補續漢書藝文志二卷

錢大昭

後漢郡國令長考一卷

錢大昭

水經釋地八卷

孔繼涵

劉更生年表一卷

梅毓

管子義證八卷

洪頤煊

臨川答問一卷

劉壽曾

同度記一卷

孔繼涵

增廣新術二卷

羅士琳

炳蠲室雜文一卷

江藩

南陵縣建置沿革表一卷

附刻

積學齋叢書總目終

周易攷占

古吳
桃鴻
姬孟
起顯

南陵徐氏
積餘校刊

周易考占

欵金榜輔之撰

周官占法掌之占人其例不著於經載在左氏春秋及國語者惟六爻不變六爻盡變一爻變五爻變凡四者有占耳六爻不變以彖占昭七年孔成子以周易筮之曰元尚享衛國主其社稷遇屯國語公子親筮之曰尚有晉國得貞屯悔豫皆入董因曰臣筮之得泰之八是也一爻變以爻占莊二十二年周史有以周易見陳侯者陳侯使筮之遇觀之否僖十五年晉獻公筮嫁伯姬於秦遇歸妹之睽二十五年晉侯使卜偃筮之遇大有之睽襄二十五年崔武子筮之遇困之大過昭五年穆

子之生也莊叔以周易筮之遇明夷之謙七年孔成子
又曰余尙立繫尙克嘉之遇屯之比十二年南蒯枚筮
之遇坤之比哀九年陽虎以周易筮之遇泰之需是也
五爻變以不變爻占襄九年穆姜薨於東宮始往而筮
之遇艮之八史曰是謂艮之隨是也爻無占之卦例六
爻盡變乾占用九坤古用六餘則古之卦象昭二十九
年蔡墨曰乾之坤曰見羣龍无首吉是也兩爻或四三
爻變無占周官大卜掌三易之法一曰連山二曰歸藏
三曰周易左氏春秋國語亦有雜用連山歸藏者今皆
不著著其占周易者如是後世凡遇數爻變者悉有占
失其傳也聖人繫爻以斷吉凶若雜占諸爻是吉凶雜

揉逆從罔據孰從而斷之哉蒙彖曰初筮比彖曰原筮
曲禮卜筮不過三左氏春秋昭七年孔成子筮遇屯又
遇屯之比國語晉公子筮遇屯又遇豫傳記言再筮三
筮者衆矣則無占者宜改筮歟左氏春秋國語略其無
占者其所占蓋有筮至再三者矣

國語公子親筮之曰尙有晉國得貞屯悔豫皆八也
筮史占之皆曰不吉閉而不通爻無爲也司空季子
曰吉是在易皆利建侯不有晉國以輔王室安能建
侯我命筮曰尙有晉國筮告我曰利建侯得國之務
也吉孰大焉韋注內曰貞外曰悔震下坎上屯坤下
震上豫得此兩卦震在屯爲貞在豫爲悔八謂震兩

陰爻在貞在悔皆不動故曰皆八謂爻無爲也胡氏
渭洪範正論曰八卦成列因而重之皆一貞而八悔
貞屯悔豫朱子以本卦屯爲貞之卦豫爲悔故其筮
法三爻變則占本卦及之卦彖辭據司空季子之占
兩建侯以立法也此猶可通獨皆八二字則其義有
不可通者蓋惟純坤六爻不變乃可謂皆八若屯之
豫則本卦初四五皆變有九有六之卦四亦是七安
得云貞屯悔豫皆八乎春秋傳凡言筮所得卦必曰
遇某之某如遇觀之否則占觀六四爻辭遇大有之
睽則占大有九三爻辭是也此獨曰得貞屯悔豫故
韋注以爲得此兩卦震在屯爲貞在豫爲悔解甚明

確或云本卦屯為貞之卦豫為悔非也信如所釋則當曰遇屯之豫矣其專言震者何也長子主器有侯

象公子筮得國志在建侯故獨有取乎震也其曰貞

屯悔豫皆八者韋注八謂震兩陰爻在貞在悔皆不

動然所得無之卦筮史概云爻無為司空季子亦占

二彖則似兩卦六爻皆不變而此獨言震二陰者欲

成乎其為君喜震體之不變也案震之陰陽爻皆不變言八不言七省文

如董因得泰之八亦以八該七也省文之體古人如此類者甚多韋氏言八謂震兩陰爻及胡氏所推意

尚古者占大事不嫌再三金滕連卜三龜易有初筮

原筮原再也猶原蠶之原得國大事公子用原筮故

既遇屯又遇豫也昭七年衛人筮立君不用原筮其